

Darihal kita

Sepuluh Tahun Qalam

Pada 1 Februari 1958 ini genaplah sepuluh tahun usia penerbit Qalam – bukan majalah Qalam dan percetakannya. Penerbit Qalam yang dimulai dengan bukunya yang pertama bernama “Sabil di Palestin” yang terbit pada bulan Februari 1948 adalah mulanya suatu usaha yang sangat kecil dan sederhana sekali.

Usaha penerbit ini mulanya dengan suatu modal yang sangat kecil iaitu modal sebanyak \$550 yang dipinjamkan oleh Tuan K.M. Abu al-Qasim, Tuan al-Shaykh Muhsin bin Salim Ibn Talib dan Encik M. Hassan (A. Muhammad Hassan) J. P. Langkah yang pertama diambil dengan wang itu ialah membeli huruf-huruf cetak dan sebahagiannya lagi untuk membeli kertas-kertas.

Buku yang pertama itu sesudah disusun hurufnya maka diupahkan cetak di Utusan Melayu Press Limited, kemudian setelah dicetak dibawa ke rumah untuk dijilid dan sesudah dijilid dibawa pula ke tempat-tempat cetak yang lain untuk dipotong dan kemudian baharu dihantarkan kepada penjual-penjualnya.

Inilah riwayat buku yang pertama yang diterbitkan oleh penerbit Qalam dan kemudian daripada itu, dari satu ke satu masa, dari setahun ke setahun, banyak buku-buku yang menyusulnya sehingga beratus-ratus jenis. Kemudian pada pertengahan tahun 1950, sekalipun dengan keadaan kecil, penerbit Qalam dapat mengadakan percetakannya sendiri. Langkah menerbitkan buku ini berjalan-jalan sehingga tahun 1953 dan kemudian tertahan apabila Qalam dijadikan syarikat yang berhad.

Semenjak daripada tahun 1953 usaha penerbit ini tidak lagi akan ditumpukan kepada penerbitan buku-buku tetapi segala tenaganya ditumpukan kepada penerbitan majalah dan

akhbar. Dalam masa itulah perjalanan Qalam menghadapi keadaan-keadaan yang sulit tetapi dengan pertolongan Tuhan kepayahan-kepayahan yang sulit masa itu dapat dilalui hingga pada awal tahun 1955 Qalam dapat pula meneruskan usahanya dengan menambah alat-alat kelengkapannya dengan usaha dan tenaga sendiri.

Kita tidak melupakan jasa-jasa yang diberi oleh orang-orang yang budiman dalam masa kepayahan yang dideritai oleh penerbit Qalam semenjak tahun 1953 hingga 1955 itu yang berupa kebendaan dan nasihat. Tuan-tuan yang berjasa dalam masa itu ialah Almarhum Tuan al-Syed Abdul Rahman bin Taha al-Sagoff, Tuan al-Syed Abdul Rahman bin Abdullah al-Sagoff dan Tuan Haji Muhammad Yusuf bin Haji Murshid. Jasa beliau-beliau ini tidak dapat dilupakan oleh penerbit Qalam. Kita hanya berharap semoga Allah akan membalaskan jasa-jasanya yang baik untuk perkembangan penerbit Qalam.

Sekarang Alhamdulillah, dengan taufik dan hidayah-Nya, usaha penerbit Qalam yang dimulai dengan menggunakan beberapa ratus paun huruf, dengan bermodalkan tenaga dan kesungguhan dengan tempat menjalankan usaha itu di pondok atap yang sangat-sangat sederhana dengan menggunakan lampu minyak tanah di waktu malam di bandar Singapura yang terang benderang ini, sekarang telah mempunyai alat-alat jentera yang moden dan lengkap sekali – mempunyai dua mesin automatik, mempunyai dua mesin cetak yang besar, beberapa mesin cetak yang kecil, mempunyai mesin lipat kertas. Mempunyai mesin-mesin penjahit benang dan pelekat (alat penjilid), mempunyai dua *inter-type*, sebuah mesin khas Inggeris dan Rumi dan sebuah lagi Jawi dan Rumi.

Bersambung ke Muka 27.

Apabila ada orang meminta pertolongan kepada beliau sedang

pada masa itu beliau tidak ada apa pun yang hendak ditolongkan maka selalu disuruhnya orang itu berhutang di atas nama beliau.

Beliau hanya marah kalau orang melanggar larangan Tuhan – selain daripada sebab-sebab itu beliau tidak marah. Beliau juga suka bersenda gurau tetapi gurau senda

beliau tidak sekali-kali melewati batas kesopanan.

Beliau tidak pernah berdusta. Beliau penyayang kepada kanak-kanak dan suka sekali duduk dengan orang miskin.

Beliau menampal sendiri pakaian dan kasutnya yang koyak dan memerah susu kambingnya dengan tangannya sendiri.

Beliau tidak pernah menyusahkan ahli rumahnya tentang makan dan minum. Apabila ada makan tersedia dimakannya apabila tidak ada beliau diam serta beliau makan bersama-sama pelayan beliau. Beliau tidak pernah marah atau mengherdik kepada sesiapa pun, sehingga kepada khadamnya pun beliau berbuat demikian juga.

Saudara-saudara anggota Ikhwan! Inilah dia ajaran

akhlik yang ditunjukkan oleh Junjungan kita Muhammad

(SAW) dan inilah yang patut kita ikut –

bukannya akhlak yang berbau Komunis atau akhlak

orang-orang yang tidak tahu kadar diri. Berakhlik

baik itu bukan maknanya kita lemah tetapi bermakna

tahu kepada kehormatan diri. Orang yang begini apabila

menghadapi sesuatu yang bertentangan dengan hukum Tuhan maka

ia sudah tetap akan menegakkan hukum itu walaupun

dengan nyawanya sekali.

Sambungan dari muka 20

Apakah yang akan berlaku sekiranya orang-orang ini memegang tampuk pemerintahan negara. Jawapan yang pertama akan berlaku pertentangan dan perkelahian yang hebat di antara tentera dengan Komunis di Tanah Jawa – dan harus merebak ke Sumatera Timur. Hatta adalah diyakinkan tetap akan tegas perdirianya menghadapi Komunis itu.

Hal ini terang kerana dalam kejadian percubaan membunuh Sukarno di Cikini akhbar-akhbar kiri (Komunis) sentiasa membuat fitnah bahawa yang mencuba bunuh Sukarno itu ialah orang-orang Masyumi. Kerajaan yang ada sekarang terus mendiamkan sahaja fitnahan itu disiarkan seluas-luasnya dengan tidak ada bukti. Semuanya menjadi satu kenyataan bahawa Sukarno dan pengikut-pengikutnya – orang Komunis itu – sentiasa mencari jalan membinasakan orang-orang Islam terutamanya Masyumi. Dengan kerana itu diyakinkan benar bahawa selagi Sukarno memerintah janganlah orang-orang Islam Indonesia akan bermimpi bahawa negara Islam akan tegak di Indonesia! – ini tidak mungkin!

Sambungan dari muka 3

Alhamdulillah, dengan tidak banyak berkata, penerbitan Qalam berusaha dari satu ke satu masa untuk mengadakan buku-buku ilmiah dan bolehlah diakui Qalam-lah yang banyak menerbitkan buku-buku seperti itu terutamanya yang mengenai keagamaan.

Dalam masa ia menempuh tahun-tahunnya yang ke hadapan mudah-mudahan Allah akan memberi taufik dan hidayah-Nya kerana mulai dari tahun ini Qalam akan menumpukan semula perhatiannya untuk menerbitkan buku-buku yang berupa pengetahuan, sama ada mengenai pelajaran di sekolah-sekolah umum, agama ataupun di dalam bahagian-bahagian lain. ***